



Evalua bo politico: Sr. Mike Eman

PA haya un miho bista di e candidatonan prominente como politico, nos a evalua algun candidato prominente riba lista di AVP a base di un sistema cu 10 pregunta, manera publica den Guia Electoral di dialuna 18 november. E sistema aki ta evalua e prestacion y caracteristicanan cu un score di maximo 5 strea.

1. Integridad: Nan ta muestra honestidad y ta mantene nan mes na normanan etico den tanto nan bida personal como publico?

3 strea – Cu e escandalo y criticanan rond di su gobierno anterior, ta dificil pa dun'e beneficio di duda.

2. Responsabilidad: Nan ta tuma responsabilidad pa nan accion y decisionnan, tanto pa exitos como pa erornan?

3 strea – Aunke el a tuma responsabilidad, esaki a sosode tin biaha demasiado laat of demasiado limita pa tin suficiente impacto.

3. Habilidad di Liderazgo: Nan por inspira y guia otronan pa logra metanan comun?

2 strea – Su liderazgo a wordo critica durante añanan, recientemente por ehempel ora di compila e lista di candidato di su partido.

4. Habilidad di Papia: Nan ta comunica nan vision, maneho y balornan na un manera cla y convincente?

4 strea – Semper e ta elocuente, ta scoge e palabranan corecto y ta papia for di curason.

5. Conocemento di Asuntonan: Nan ta bon informa tocante asuntonan local, nacional y mundial?

4 strea – Ta raro pa topa cu ne sin un conocimiento profundo di e topico.

6. Curashi: Nan ta para pa nan conviccion y e interesnan di nan votadonan, hasta ora esey ta impopular?

3 strea – Hopi biaha el a para pa su conviccionnan, pero mas laat den su carera el a cuminsa scoge cada bes mas pa opcionnan populista.

7. Compas Moral: Nan ta pone loke ta corecto riba loke ta politicamente beneficioso?

3 strea – Aunke mayoria di biaha el a actua segun un compas moral fuerte, tabata tin momentonan cu su lealtad a lanta duda.

8. Vision pa Futuro: Nan tin un vision cla y inspirador pa progreso a largo plaso?

3 strea – E tabata tin un vision cla, pero e forsa inspirador cu e tabata tin un tempo, ta parece di a disminui.

9. Etica di Trabou: Nan ta muestra dedicacion y perseverancia den ehecuta nan tarea y responsabilidadnan?

4 strea – E ta excepcionalmente motiva, cu un perseverancia cu hopi biaha ta surpasa otronan.

10. Respet pa Institucionnan: Nan ta mantene e principionan di democracia y ta respeta e estado di derecho?

3 strea – Su respet pa institucionnan tabata fuerte, pero a bira menos visibel den algun caso controversial den su gobierno.

Mike Eman ta sin duda un di e lidernan mas grandi di Aruba. Cu mas di 8.000 voto riba su nomber, el a trece su partido dos biaha na poder su so y a realisa hopi pa Aruba. Na mesun tempo, su carera politico tambe tin momentonan menos positivo, cu preguntanan tocante integridad y liderazgo den e ultimo añanan. Sinembargo, su elocuencia y dedicacion ta keda caracteristicanan importante di su liderazgo.

MENSAHE DI DIA

20 NOVEMBER 2024

E rednan social ta haci
cu hopi hende ta core pa yega nan meta.
Corda, comparacion ta e ladron di alegria.
Pone atencion na bo propio caminda,
bo propio paso, bo propio competencia.

e Poder den Mi

Den colaboracion cu Aruba Incense

e Poder den Mi

Guia Electoral 2024:

Evalua bo politico: Sr. Arthur Dowers

PA haya un miho bista di e candidatonan prominente como politico, nos a evalua algun candidato prominente riba lista di AVP a base di un sistema cu 10 pregunta, manera publica den Guia Electoral di dialuna 18 november. E sistema aki ta evalua e prestacion y caracteristicanan cu un score di maximo 5 strea.

1. Integridad: Nan ta muestra honestidad y ta mantene nan mes na normanan etico den tanto nan bida personal como publico?

4 strea – Aunke su partido tabata involvi den escandalonan, semper el a keda sincero y corecto den su accionnan.

2. Responsabilidad: Nan ta tuma responsabilidad pa nan accion y decisionnan, tanto pa exitos como pa erornan?

3 strea – E ta tuma responsabilidad pa su accionnan, pero su lealtad na coleganan tin biaha por daña su obhetividad.

3. Habilidad di Liderazgo: Nan por inspira y guia otronan pa logra metanan comun?

3 strea – E ta inspira otronan bon, pero por sali mas fuerte como lider den su partido.

4. Habilidad di Papia: Nan ta comunica nan vision, maneho y balornan na un manera cla y convincente?

4 strea – Semper e ta comunica corectamente, elocuente y cu control

completo riba su mensahe.

5. Conocemento di Asuntonan: Nan ta bon informa tocante asuntonan local, nacional y mundial?

4 strea – Den su area di experticio e ta entre e miho y ta muestra un conocimiento profundo.

6. Curashi: Nan ta para pa nan conviccion y e interesnan di nan votadornan, hasta ora esey ta impopular?

3 strea – E ta defende su conviccion y ta tuma decisionnan impopular, pero tin un punto debil ora ta trata di su coleganan.

7. Compas Moral: Nan ta pone loke ta corecto riba loke ta politicamente beneficioso?

3 strea – Den escandalonan reciente esaki a wordo cuestiona, pero fuera di e situacionnan ey e lo merece un puntuacion mas halto.

8. Vision pa Futuro: Nan tin un vision cla y inspirador pa progreso a largo plaso?

3 strea – E tin un vision cla, vooral riba tereno huridico, pero tin biaha ta falta e forsa inspirador pa transmiti esaki ampliamente.

9. Etica di Trabou: Nan ta muestra dedicacion y perseverancia den ehecuta nan tarea y responsabilidadnan?

4 strea – Semper e ta traha duro y ta traha tempo pa keda den contacto cu e pueblo, loke ta fortifica su dedicacion.

10. Respet pa Institucionnan: Nan ta mantene e principionan di democracia y ta respeta e estado di derecho?

4 strea – E ta corecto den su respet pa institucionnan, pero ta reacciona fuertemente ora e ta mira cu institucionnan ta sirbi otro interesnan.

Arthur Dowers ta un politico sincero y trahado duro cu den tempo di crisis ta keda un ehempel di actua corecto. E ta fuerte den conocimiento y comunicacion, pero por desafortuna su liderazgo y vision mas aleu pa alcanza su potencial completo.

Su lealtad na coleganan y algun controversia a lanta preguntanan tin biaha, pero su dedicacion na su tareanan y su conexion cu e pueblo ta keda admirabel.

wingo.com
¿Cómo quieres volar?

Ban Colombia!

BOOK MESORA! wingo.com

Cali Bogota Medellin

Guia Electoral 2024:

Evalua bo politico: Sr. Wendrick Cicilia

PA haya un miho bista di e candidatonan prominente como politico, nos a evalua algun candidato prominente riba lista di AVP a base di un sistema cu 10 pregunta, manera publica den Guia Electoral di dialuna 18 november.

E sistema aki ta evalua e prestacion y caracteristicanan cu un score di maximo 5 strea.

- 1. Integridad:** E ta muestra honestidad y ta mantene su mes na normanan etico den tanto su bida personal como publico?

3 strea: Su bida personal ta parece na ordo, pero riba e tereno publico nos mester evalua su integridad mas aleu ainda.
- 2. Responsabilidad:** E ta tuma responsabilidad pa su accion y decisionnan, tanto den caso di exito como di eror?

3 strea: Te awor e ta haciendo excelente, pero e mester prueba su mes ainda den situacionnan mas compleho.
- 3. Habilidadnan di Liderazgo:** E por inspira y guia otronan pa logra metanan comun?

4 strea: Su toma di e liderazgo di e lista ta muestra liderazgo y vision fuerte p’e partido.
- 4. Habilidad di Papia:** E ta comunica su vision, maneho y balornan na un manera cla y convincente?

4 strea: Su habilidad comunicativo excelente ta un di e motibonan di su exito.
- 5. Conocemento di Asuntonan:** E ta bon informa tocante asuntonan local, nacional y mundial?

4 strea: Tras di cortina e tabata involvi caba den hopi asunto di partido. Awor t’e momento pa muestra esey publicamente tambe.
- 6. Curashi:** E ta para pa su conviccion y e interesnan di su votadonan, hasta ora esey ta impopular?

3 strea: Ta keda pa wak si e tin e curashi pa tuma posicion cu por bay contra lider di partido Eman, si esaki ta na bienestar di e pueblo.

- 7. Compas Moral:** E ta pone principionan riba bentaha politico?

3 strea: Tin mucho poco ehempel ainda pa evalua esaki bon, pero e señalnan ta parece positivo.
- 8. Vision pa Futuro:** E tin un vision cla y inspirador pa progreso a largo plaso?

4 strea: Su vision pa futuro ta cla y ta parece di inspira henter e partido.
- 9. Etica di Trabou:** E ta muestra dedicacion y perseverancia den ehecuta su tareanan?

4 strea: E ta conoci pa su etica di trabou fuerte, pero nos mester wak con e ta funciona bou presion di publico ainda.
- 10. Respet pa Institucionnan:** E ta respeta e principionan di democracia y e estado di derecho?

3 strea: Ta mucho tempran pa duna un opinion cla riba esaki, pero e prome impresion ta positivo.

Wendrick Cicilia ta hoben, pero ta muestra curashi y vision door di guia e partido den un direccion nobo. Aunke tin areanan ainda unda e mester prueba su mes, su liderazgo, habilidad comunicativo y bista dirigi riba futuro ta prometedor. Cu tempo y experiencia e por bira un forsa fuerte den politica Arubano.

Tara Lounge & Elements Restaurant

Embark on Exciting Renovations!

The award-winning Elements Restaurant and Tara Lounge are being revamped with elegant, eco-friendly designs, unveiling new planet-forward menus for both the restaurant and its famous Sunday Brunch

THE TARA LOUNGE
REOPENED **OCTOBER 15**

ELEMENTS WILL DEBUT
ITS RENOVATED LOOK ON **DECEMBER 15**

Experience exceptional dining and a new View to Dine For at Bucuti & Tara Beach Resort, Aruba's top-rated resort!

